

մի կառուցուածք: Ուրիշ խօսքով, մենք ուժեղ ենք, գրեթէ անխոցելի՝ բացասակա՛ն (թէեւ նոյնչափ կարեւոր) քննադատութեան մարզի մէջ, բայց թոյլ՝ դրական քաղաքականութեան սահմաններում:

Մենք շատ ենք խօսում եւ լսում ա՛յն մասին, թէ ինչո՛ւ այսինչը այսպէս չպիտի լինի, իսկ շատ քիչ, թէ հապա ի՛նչ պիտի լինի եւ մանաւանդ՝ ինչպէ՛ս:

Աւելին դեռ: Մենք կարծես քննադատելի խոսասփում ենք հարցերը դնելու իրենց ամբողջութեանը մէջ: Փոխանակ սպեղանիի անունը տալու, մեր մատը գնում ենք վէրքի վըրայ ու ծածկում այն: Եւ սակայն մեր քաղաքական խոցերը այնքան են խորը, մեր հայրենիքի եւ մեր ժողովուրդի գոյութիւնը շօշափող խնդիրները այնչափ կարօտ են բազմակողմանի լուսարանութեան եւ բուժիչ միջոցների, որ անտես չպիտի արւելն երկրորդականներն իսկ:

\* \* \*

Որպէսզի կարողանանք մօտենալ առաջադրուած հիմնական հարցի՝ Հայաստանի եւ իր դրացիների փոխադարձ յարաբերութեան լուսարանութեան, որպէսզի մանաւանդ կարող լինինք մշակել մեզ համար քաղաքական այն ուղեգիծը, որով պիտի ընթանանք լուսազոյն եւ առաւելագոյն շահեր ապահովելու համար մեր երկրին ու ժողովուրդին, անհրաժեշտ է ամենից առաջ, որ մեղ համար յստակօրէն պարզենք մեր եւ մեր շուրջի ԻՐԱԿԱՆՈՒԹՅՒՆԸ. թէ՛ ի՛նչ ենք ներկայացում մենք եւ ինչ՝ մեր դրացիները. թէ՛ որոնք են այն բովանդակ ուժերը, որ կազմում են մի կողմից մեր եւ միւս կողմից մեր հարեւանների քաղաքական գոյութեան խարխիւր:

Այս անհրաժեշտ է նախապէս գիտնալ նրա՛ համար, որ վերջի վերջոյ ամէն մի բանական քաղաքականութեան խարխիւրը իրականութի՛ւնն է, իսկ նրա ելակէտը՝ նոյն այդ իրականութիւնի՛ց բխող ուժը:

Մեր քաղաքական միտքը այժմ՝ յամենայն դէպս այնչափ է հասունացել — կամ ենթադրել պէտք է թէ հասունացել է, — որ ինքնին հասկանալի է համարում այդ նախադրեալները: Իսկ ամէն մի իրականութիւն ունի հարկաւ իր տարրե՛ր կողմերը եւ անհրաժեշտ էլ չէ՛ որ

նրանք ամենը քացարձակապէ՛ս առարկայական բնոյթ կրեն: Եւ ոչ իսկ ուժ ասելով հասկանալու է սոսկ նիւթակա՛ն ուժը:

Երբեմն քաղաքական, բարոյական ուժերը նոյնչափ վճռական նշանակութիւն ունին, որչափ նիւթականը: Միայն թէ՛ այդ ուժերը չլինին երեւութական, երազական, այլ իրական: Միայն թէ՛ նրանք լինին մե՛ր մէջ ամբարուած, մե՛զ տրամադրելի, եւ ոչ թէ՛ մեզնից դուրս, մեզ անհասանելի, ապա ուրեմն՝ անիրական:

Արդ, ամէն մի պետական միաւորի քաղաքակա՛ն իրականութիւնը արտայայտում է նախ եւ առաջ երկու հիմնական տուեայներով: Մէկ՝ նրա հողային (տերրիտորիալ) եւ մէկ էլ նրա ազգաբնակչութեան տարողութեամբ: Մերթ գերակշռող դեր ունի մէկը, մերթ՝ միւսը: Ամբողջութի՛ւն կազմում են երկուսը միասին միայն: Տուեալ պետականութեան ամենատեսակ, բովանդակ ուժերի աղբիւրն էլ նրանք են:

Տեսնենք այժմ, թէ՛ ո՛րն է այդ տեսակէտից մեր իրականութիւնը, եւ որը՝ մեր դրացիներինը:

II

Նախ եւ առաջ առնենք ԱՐԴԻ ՀԱՅԱՍՏԱՆԸ:

Մեր հայրենիքը իբ ներկայ սահմաններով գրաւում է ընդամէնը 30,000 քառակուսի քիլոմէթր տարածութիւն: Նա, այդ փոքրիկ երկիրը, ծուարած է Սեւանայ լճի շուրջը, Փոքր Կովկասի երկու կողերին: Մեծագոյն մասով լեռնոտ երկիր է եւ փոքր չափով միայն՝ դաշտային: Արարատեան դաշտի մի զգալի մասը մինչեւ իսկ — Սուրմալու, Շարուր եւ Նախիջևան — դուրս է գտնուում այդ սահմաններից:

Արեւմուտքից Հայաստան սահման ունի Տաճկաստանը, հարաւից՝ Նախիջևանի ինքնավար հանրապետութիւնը, որ արնուած է Ադրբեջանի մէջ: Արեւելեան կողմը, մի-երկու տասնեակ քիլոմէթրի վրայ (Չանդեղուրում), Երասխը կազմում է Հայաստանի եւ Պարսկաստանի սահմանը: Արեւելքում աւելի ընդարձակ սահման ունի Ադրբեջանը, հիւսիսում էլ տարածւում է Վրաստանը: